


倪雲林先生詩集

三



倪雲林先生詩集卷之五

荆溪塞曦
朝陽編集

五言絕句

題臨水蘭

蘭生幽谷中倒影還自照
無人作妍媸春風發微咲
二月廿二日潘子素王林明來慰藉臨別為寫
水傍樹林圖并題

積雨開新霽汀洲生綠蘋
臨流望遠岫歸思忽如雲
題盡興溥泉

息景憇烟霞澄懷卧丘壑
夕遲蘇仙君莫驚松上鶴

玄洲倡和十首繼趙魏公張外史作

奕々三素雲團々如車蓋下有采芝仙游神与天會

右菡山

玉晨啓玄扉靈篇受飛仙鍊景返洞官保真億万年

右羅姑洞

混沌青瑤流煥爛雲錦光飛軒駕神君宛在句山陽

右霞駕海

胎仙集丹臺真宰降玄居翕忽神飈散燒香礼太虛

右鶴臺

密葉蔭方壇珎林寄深合華源遠莫窮時有幽人宿

右桐葉源

步虛朝東華高嘯追遠遊玄館嘖妙道逍遙宴神州

右玄洲精舍

虛林想遺躅壇館廢仍存落葉歲丹竈清晨雲氣溫

右紫軒

蒼雲乘白鶴傳說手栽松山室清眠夜千岩聞勁風

右隱居松

玉標明霞秀靈炁混合成流光映金宮靈旆招萬靈

右玉像龕

題自畫

東海有病夫自云繆且迂書壁寫絹楮豈其狂之餘
青林藏曲密遠水間微茫飛鷺浴鳬處人家半夕陽
夜作古木怪石因題

夜遊西園渚初月光烟上徙倚岩石下愛此林木影
雨竹

雨過瀟湘渚風生渭水波暮窓揮醉墨翠霧濕烟羅
竹石圖

雨過黃陵廟風生湘水波當時却帆處苔石倚喬柯
寄友

風雨暮蕭蕭高人共寂寥何時截相玉踏月夜吹簫

題登

荆溪山水勝不到十年餘蔣氏遺基上寒藤學草書

菜圃

食菜雖云美荼苦薺自甘猶勝高陽後羶葷自飫酣

題秋亭曉色齋

園林夏雨歇旭日照蒼苔誰見竹亭裏孤坐興悠哉

春江獨釣齋

春洲荻蔣綠江水似空虛望山以高咏意釣不在魚

墨竹

明月臨虛幌疎篁舞翠鶯獨吟苔石上霜葉媚天寒

六言絕句

題良常草堂圖

結屋政臨流水開門巧對長松為待神芝三秀移居
華蓋西峯

題畫

舟泊溪流曲々鳥啼烟樹重々獨思白鶴遺址好居
五老雲峯

田舍

暎水五株楊柳當窓一樹櫻桃洒掃石間蘿月吟哦
琴裏松濤

山鳥下窺窓牖春風時過柴門避世何須鄭谷作書
已絕巨源

為曾高士登湖山舊隱

厭聽殘春風雨卷簾坐看青山波上鷗浮天遠林間
鶴帶雲還

南村草堂

雲溶々兮覆渚波剡々兮侵扉魚群泳而自樂狎鷗
馴以不飛

雲溪佳處

誰覓雲溪佳處渚花汀竹迷藏去鶴原邊倚杖浮鷗

波上鳴榔

題竹圖

黃陵廟前雨過邯鄲谷口風生愛殺山人清致縱橫
淡寫秋聲

題畫

畫溪頭喚渡銅官山下尋僧水榭汀橋曲々風林
雲磴層々

己酉八月廿六日謾題

田父聊同尔汝狂夫漫問如何昔日揮金豪俠今朝
苦行頭陀

題溪山雪霽圖贈張以中

水影山容黯淡雲林細篠蕭疎誰見重居寺裏雪晴
沙際吟餘

題畫

雨過黃陵廟下雲生玉女井邊野雉雌鳴斜日鷓鴣
啼破林烟
月下參差双玉灯前蕭散孤鴻寄興只消毫楮寫懷
不用絲桐
竹上誰彈清淚如鉛春雨斑斑滿眼湘江波浪望窮
白鳥飛還

高樹長松共晚蒼
筠野石同貞珎
重王家公子
翩翩
白鶴神清

高柳喬柯小閣
水光山色衡門
未老作閑居賦
無錢對北海樽

孝侯廟前雨過
晝溪頭日曛田
迹如今夢裏春
風愁亂行雲

燕乳一首

燕乳雛成竟去
寫悲影隻難双
借問榮歸故里
何如高卧北窓

畫竹

珍重黃華父子遺風得似洋州松雪于今寔在房山
去後休々

我愛焦君味道筆端點綴清新規模虎兒早歲未窺
北苑入神

贈潘仁仲

瓶內花簪白萼庭中池養金魚馴虎只憑丹竈活人
惟留素書

卷之八

...

...

...

...

倪雲林先生詩集卷之六

荆溪寒曦朝陽編集

七言絕句

村居

疎梅兩橘花香寂
桐陰研席涼恹底
林間金彈子枇杷都熟不知嘗

絕句四首次九成韻

我別故人無十日
衝烟艇子又重來
門前積雨生幽草
牆上春雲覆綠苔
斷送一生碁局裏
破除万事酒盃中
清虛事業無人

解聽雨移時又聽風

沒逕春泥不出門山烟江霧晝長昏槽床聲雜茅簷
雨破却陰寒酒自溫

郊子論詩冀北空晤言千里意常同待晴紫陌堪紫
手行咏山光水影中

至正十四年二月廿五日雨郊君九成賦絕句四
首云杏花簾幙看春雨深巷無人騎馬來獨有倪
寬能憶我昏曠暇到蒼苔春色三分都有幾二分
已在雨聲中牆東兩箇桃花樹恨殺朝來一番風
十日春寒早閉門風雨怕黃昏小齋坐對黃

金鴨窠冥沈香火自溫春寒繅病頭風惆悵年華逝
水同世事總如春夢裏雨聲渾在杏花中倪瓚留
宿高齋篝燈爲寫春林遠岫圖并次韻四詩題呈
上時夜漏下三刻矣佩韋齋中書

絕句三首

秋水清空似汎槎此生汨沒似無涯蕭閑堂上收書
坐八月芙蓉始著花

芙蓉花下坐鳴琴疑在湘江斑竹林瑟下節霓旌烟雨
濕秋來江水不知深

岳生孫子家清顛素老彈琴和澗泉一簣松肪初釀

得賸將醉尔竹林前

畫贈馮文仲

知君近住西湖曲
湖水論漣似輞川
窓下青松高百尺
時々落雪滿琴絃

寄安遇

隣家借得酒盈罍
薄飯留君午不羹
僧夏安居餘半月
重來相与說無生

題玄會庵壁間

風雨縈愁夢不醒
紫薇花發渚南亭
望中迢遞孤烟起
白鳥飛來荻蔣青